

Պատերազմ՝ Ասկազոնի : Պարտութիւն Սալահատտինի : Քաջութիւնը
 նորին յԱտրիս : Աւերումն նոր բերդին առ Յորգանանու : Ղլիճ Ասլան :
 Լատին իշխան Քերեքս . Հաշտութիւն :

ՊԱՏՄԻՉՔ Արաբացւոց ասէն թէ Սալահատտին դարձ
 արարեալ յեգիպտոս , սկիզբն արար պարսպել եւ ամրա-
 ցուցանել զՊահիրէ քաղաք և հաստատել 'ի նմա զԳլորոցս
 և զայլ բարեգործական շինուածս : Իսկ թագաւորն Երու-
 սազէմի Բալտովին Դ . առ 'ի բառնալ զխռովութիւնս եւ
 զերկպառակութիւնս իշխանաց իւրոց , ելոյժ զդաշնն զոր
 հաստատեալ էր ընդ Սուլթանին , զի կարասցէ չըջել
 զմիտս նոցա 'ի վերայ արտաքին թշնամեաց : Իբրեւ լուաւ
 զայս Սալահատտին՝ աճապարեալ ժողովեաց զբազմութիւն
 զօրաց իւրոց , և ահեղ բանակաւ դիմեաց 'ի կողմանս Պա-
 ղեստինոյ առնուլ զառաջն վտանգին : Այլ թագաւորն Ե-
 րուսազէմի հայեցեալ 'ի տկարութիւն իւր և 'ի սակաւու-
 թիւն զօրաց իւրոց , չհամարձակէր իջանել յասպարէզ մար-
 տի ընդդէմ թշնամոյ իւրոյ , զոր ինքն գրդռեալ էր :
 Խոյս տուեալ ամրացաւ 'ի բերդն Ասկազոնի : Իսկ Սուլ-
 թանն արձակեաց զզօրս իւր ասպատակել զերկիրն չըջա-
 կայ , և ինքն թիկնապահ զօրօք կալաւ տեղի ինչ անքոյթ
 'ի մէջ Ասկազոնի եւ Ռէմէի : Ասպատակ զօրքն հեռացան
 'ի բուն բանակէն ժամս իբրեւ ց , և գործեցին զմեծամեծ
 չարիս զաւուրս երիս : Քրիստոնէայք որք դիտէին 'ի բեր-
 դէն Ասկազոնի և տեսանէին զհեռանալ զօրացն , ժամ դի-
 պող գտեալ ելին արտաքս , եւ երթային լուռ և անձայն
 'ի խորս և 'ի փոսս , զի մի երեւեցին , և մերձեցան յիջե-
 ւանս Սուլթանին իբրեւ նետընկէց մի , և նորա տեսեալ
 զնոսս յանկարծակի՝ չփոթեցաւ յոյժ . ձայն տայր զայրա-
 գին հեծեւազնդին կոչել և ժողովել զզօրն , և ինքն աճա-
 պարեալ մեկնեցաւ անտի գրաւել զայլ տեղի կարեւոր ,
 սակայն պաշարեցաւ 'ի քրիստոնէից , և չգտեալ զայլ հը-
 նարս դարձաւ 'ի փախուստ . և 'ի տաղնապիս յայսմիկ քա-